

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### KULTURA ETA KIROL SAILA

**27/2022 Foru Agindua, otsailaren 14koa. Kirol egokiturako dirulaguntzen deialdia onartzea, irabazi-asmorik gabeko eta kirol erakundeen bidez, 2022. urtea**

Kultura eta Kirol Sailak kirola egokitua garatzeko jarduerak diruz laguntzea aurreikusten du, Arabako Lurralde Historikoko eta Trebiñuko enklabearen irabazi-asmorik gabeko eta kirol elkar-teen bidez, 2022. urtean.

Arabako Lurralde Historikoko 2022ko aurrekontua betearazteari buruzko abenduaren 21eko 33/2021 Foru Arauak 70201. G/341700/48100709 "Kirol Egokituko Elkarteei Laguntza" 70-141 lerroa izeneko aurrekontu-saila du, 60.000,00 euro dituen esleiturik.

Arabako Foru Aldundiak, Foru Gobernu Kontseiluaren azaroaren 12ko 50/2019 Foru Dekretua- ren bidez (2019ko azaroaren 20ko ALHAO, 134. zenbakia) eta haren ondorengo aldaketan bidez, oinarri orokor arautzaileak onartu zituen, Kultura eta Kirol Sailaren eskumenen esparruan lehia- araubidean ematen diren dirulaguntzei aplikatzeko.

Kirol zerbitzuko buruak egindako txostena ikusita.

Horren ondorioz, dagozkidan eskumenez baliatuz, hauxe

#### XEDATZEN DUT

Lehenengoa. Kirol egokitua garatzeko dirulaguntzen deialdia onartzea, Arabako Lurralde Historikoko eta Trebiñuko enklabeon irabazi-asmorik gabeko eta kirol elkar-teen bidez. Diru- laguntza horiek 2022ko ekitaldian arautuko dira, eranskinean xedatutakoaren bidez.

Bigarrena. Deialdi honek hirurhogei mila euroko (60.000,00 euro) gehieneko zuzkidura izango du. Deialdi hau ondorengoetan adierazitakoaren arabera arautuko da: Foru Gobernu Kontseiluaren azaroaren 12ko 50/2019 Foru Dekretua (2019ko azaroaren 20ko ALHAO, 134. zenba- kia), eta haren ondorengo aldaketak aurreikusitako, Kultura eta Kirol Sailaren eskumenen espa- rruan lehia-araubidean ematen diren dirulaguntzei aplikatu beharreko oinarri arautzaile orokorrak.

Hirugarrena. Gastu hori 70201. G/341700/48100709 "Kirol Egokituko Elkarteei Laguntza" 70-141 ildoan, Arabako Foru Aldundiak 2022ko ekitaldirako duen gastu-aurrekontukoa, 60.000,00 eu- rokoa, erreferentzia zenbaki laburra: 105.422.

Laugarrena. Organo eskudunak, Kirol Zerbitzuaren proposamena ikusita, dagokion ebazpena emango du, deialdia ALHAOn argitaratu eta gehienez ere sei hilabeteko epean. Gehienezko epea igaro eta berariazko ebazpenik eman ez bada, interesdunek eskabidea ezetsi egin dela ulertu ahal izango dute.

Bostgarrena. Laguntza emateko edo ukatzeko ebazpena Administrazio Publikoen Administra- zio Prozedura Erkidearen urriaren 1eko 39/2015 Legearen 42. eta 43. artikuluetan aurreikusitako moduan jakinaraziko zaie eskatzaileei.

Seigarrena. Deialdi hau ALHAOn argitaratzea.

Zazpigarrena. Ebazpen honek administrazio bidea agortzen du. Dena dela, urriaren 1eko 39/2015 Legeak, administrazio publikoen administrazio prozedura erkidearenak, 123. artiku- luan xedatzen duen arabera, aukerako berraztertze errekurtsoa jar dazioke eman zuen organoaren aurrean, hilabeteko epean, egintza hau jakinarazi eta hurrengo egunetik aurrera,

edota zuzenean administrazioarekiko auzien jurisdikzioan aurka egin dakioke bi hilabeteko epean, egintza hau jakinarazi eta hurrengo egunetik aurrera, administrazioarekiko auzietarako epaitegietan, uztailaren 13ko 29/1998 Legeak, administrazioarekiko auzien jurisdikzioa arautzen duenak, 46.1 artikuluan ezarritakoaren arabera

Vitoria-Gasteiz. 2022ko otsailaren 14a

*Kultura eta Kirol saileko diputatua*  
ANA M. DEL VAL SANCHO

*Kirol zuzendaria*  
ANA ROSA LÓPEZ DE URALDE GÓMEZ

### Eranskina

## IRABAZTEKO XEDERIK GABEKO ERAKUNDE ETA KIROL-ELKARTEEN BITARTEZ KIROL EGOKITUA EGITEKO 2022RAKO DIRULAGUNTZA DEIALDIA

### 1. artikulua. Xedea, helburua eta dirulaguntza emateko prozedura

Deialdiaren xedea da norgehiagoka bidez dirulaguntzak ematea; hain zuzen ere, 2021eko urriaren 1etik 2022ko irailaren 30era bitartean, Arabako Lurralde Historikoan eta Trebiñuko enklabean kirol egokituko jarduerak eta programak antolatzeak eta gauzatzeak eragingo dituen gastuak finantzatzen laguntzeko. Hori guztia egingo da kontuan hartuta Foru Gobernu Kontseiluaren azaroaren 12ko 50/2019 Foru Dekretuan xedatutakoa, zeinak Kultura eta Kirol Sailak emango dituen dirulaguntzen oinarri orokorrak onetsi baitzituen.

Kirol egokituztat jotzen dira dibertsitate funtzionala duten pertsonen eta taldeen artean gorputz eta kirol jarduerak sustatzera bideratutako jarduerak, bai eta egoera jakin batzuetan lehiaketa sustatzera bideratutakoak ere.

Jarduerak lehiaketakoak, mantentze fisikokoak eta antzeko beste batzuk izan daitezke.

Laguntza horiek jarduera horiek egitea errazten duten ekarpen gisa ulertu behar dira, beste erakunde publiko nahiz pribatu batzuek egiten dituzten ekarpenekin batera.

### 2. artikulua. Aurrekontu egozpena

Dirulaguntzen guztizko zenbatekoa ezin daiteke 60.000,00 euro baino handiagoa izan. Zenbateko hori Arabako Foru Aldundiaren 2022ko ekitaldirako gastu aurrekontuko "Kirol egokituaren elkarreentzako laguntza" izeneko 70201. G/341700/48100709 partidaren kontura ordainduko da.

### 3. artikulua. Erakunde onuradunak eta kanpoan utzitakoak

1. Hauexek izango dira erakunde onuradunak:

Egoitza Arabako Lurralde Historikoan duten irabazteko xederik gabeko erakunde eta kirol-elkarreak, baldin eta Eusko Jaurlaritzaren elkarrean erregistroan izena emana badute. Salbuespenez, Trebiñuko enklabean egoitza izanik beren autonomia erkidegoko kasuan kasuko erregistroan behar bezala erregistratutako erakundeak.

2. Ez dira joko onuraduntzat:

— Foru Gobernu Kontseiluaren azaroaren 12ko 50/2019 Foru Dekretuaren hirugarren oinarrian eta haren osteko aldaketetan jasotzen diren bazterteze egoeretan dauden erakundeak. Dekretu horrek onetsi zituen Kultura eta Kirol Sailaren dirulaguntzak emateko oinarri arautzaile orokorrak.

— Arabako Foru Aldundiko Kultura eta Kirol Sailaren 2022ko ekitaldirako aurrekontuan partida izendun propioa duten erakundeak, dirulaguntzaren helburuarekin bat egiten badute.

#### 4. artikulua. Programa eta diruz lagundu daitezkeen gastuak

1. Diruz lagundu ahal izango da hurrengo apartatuaren arabera onetsitako gastua, 2021eko urriaren 1etik 2022ko irailaren 30era bitartean sortutakoa. Kirol egokituarekin zerikusia duten jarduera hauek jaso ahal izango dute dirulaguntza, batez ere:

- Parte hartzaile eta/edo talde berriak erakartzea.
- Kirol modalitate edo espezialitateak ezartzea.
- Lehendik daudenak finkatzea edo teknikoki hobetzea.
- Mantentze fisikoko eta kirol mantentzeko jarduerak ahalbidetzen dituztenak.
- Lehiaketa jardueretan parte hartzeko antolatzen direnak.
- Lehiaketa egokituak jarduerak (nazioko eta nazioarteko liga erregularrak izan ezik).
- Kirolariak entrenamenduetan integratzen laguntzeko pertsonak (Etengabeko asistentzia edo osoa behar duten monitoreak izan ezik).

2. Diruz lagundu daitezkeen gastutzat joko dira, puntuak kalkulatzeko soilik, diruz lagundutako jarduerari dagozkienak, honako kontzeptu eta diruz lagundu daitezkeen gehieneko ehuneko hauei dagozkienez:

- a) Arbitraje taldeko langileak, haien joan-etorriak barne.
- b) Entrenatzaileen, kirol monitoreen, laguntzaileen eta jarduera egiteko beharrezkoak diren gainerako langileen gastuak.

Zerbitzua kanpora ateraz gero, fakturak jarduera horretan espezializatutako enpresenak eta/edo profesionalenak izango dira (erakunde eskatzaileak berariaz kontratatutako pertsonak sartzen dira), eta, ondorioz, kanpoan geratuko dira antzeko ezaugarriak dituzten federazio, klub, kirol elkarte eta irabazteko xederik gabeko beste erakunde batzuetatik datozenak.

- c) Kanona, trafikoko tasak eta aplikagarri diren gainerako tasak, abalak ez.

d) Laguntza medikoaren, azterketa medikoen, anbulantziaren, salbamenduaren, albaitaritzaren, ferratzaileen, irrati loturen, dopinaren aurkako kontrolaren eta abarren gastuak, zeinak guztiak baitira jarduerarako espezifikoak.

Zerbitzua kanpora ateraz gero, fakturak jarduera horretan espezializatutako enpresenak eta/edo profesionalenak izango dira, eta, ondorioz, kanpoan geratuko dira antzeko ezaugarriak dituzten federazio, klub, kirol elkarte eta irabazteko xederik gabeko beste erakunde batzuetatik datozenak.

e) Jardueran parte hartzen duten langileen joan-etorriak garraio kolektiboan (jokalariak, entrenatzaileak eta ordezkariak). Kanpoan geratzen dira kirol egokitua egiten ez duten kirolarien, zuzendarien, senideen eta, oro har, ikusleen joan-etorriak.

f) Federazio lizentzien tasak, kanona eta/edo federazio inskripzioaren tasak, bai eta kanona eta/edo lehiaketa federatuetan izena emateko tasak ere.

g) Jarduerarako behar den eta hari egotzi ahal zaion material suntsikorra eta erregaia alokatu edo erostea.

h) Dirulaguntza eskatzen den jarduera garatzeko material, ekipo eta kirol-instalazio espezifikoak, ez-suntsikorrak, alokatzea eta/edo erostea.

- i) Proban parte hartzen duten pertsonentzako ostatu-gastuak.

j) Jarduerarako aseguru espezifikoak.

- k) Materialaren lekualdatze eta muntatzea.

l) Megafonia eta lokuzioa alokatzea.

m) Kartelak (diseinua, inprimaketa, banaketa, fotolitoak eta gainerako inprimaketa-prozedurak) eta komunikabideetako publizitatea.

3. Honako gastu hauek ez dira diruz laguntzeko moduko gastutzat joko, puntuazio baremoaren arabera laguntzaren kalkulua egiteko; aldiz, konputagarriak izango dira jardueraren guztirako gastuak zenbatzeko:

a) Entrenamendurako eta/edo lehiaketetarako ekipamenduak, hala nola kamisetak, kulotak, kirol jertseak, txandalak, bainu jantziak, kimonoak eta antzeko ezaugarriak dituzten gainerako materialak, baita norberak erabiltzeko materialak ere, hala nola barrabil babesak, hortz babesak, betaurrekoak, puntak, kaskoak eta antzeko ezaugarriak dituzten gainerako elementuak.

b) Ordezkaritza gastuak, protokoloa eta antzeko beste ekintza batzuk.

c) Kirolariak kontratatzea (ordainsariak, dietak eta antzeko gastuak).

d) Instalazioak mantentzearen dietak edo ordainsariak.

e) Ez dira kontuan hartuko jardueran sartzen ez diren kirolari, entrenatzaile eta ordezkariak, zuzendari, senideak, hala nola, publikoa orokorrean.

f) Jarduera egiteko beharrezkoak eta egozgarriak diren instalazioak prestatzeko edo egokitzeko gastuak.

g) Garaikurrak.

h) Parte hartzaileentzako sariak eskudirutan, parte hartzaileentzako sariak "gauzaz" eta antzeko beste batzuk.

i) Ikuztegi gastuak.

j) Antolaketako, zuzendaritza teknikoko eta zuzendarien joan-etorrietako gastuak.

k) Bulegoko materiala, fotokopiak, material informatikoa, posta, telefonoa, web orria sortu eta mantentzea, etab.

l) Kultura edo animazio jarduerak.

m) Instalazioak eta/edo materiala zaintzeko eta kontrolatzeko gastuak.

Zeharkako zergak, berreskuratu edo konpentsatu ahal badira, inoiz ere ez dira izango gastu diruz lagungarriak.

## 5. artikulua. Eskakerak aurkeztea

1. Irabazi-asmorik gabeko erakunde edo kirol-elkarte bakoitzak eskabide bakarra aurkeztu ahal izango du.

2. Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek daude behartuta aurkezpen telematikoa egitera: pertsona juridikoak, nortasun juridikorik gabeko erakundeak, elkargo bateko kide izatea eskatzen duen jarduera profesionalean dihardutenak, jarduera horretan egiten dituzten izapideetarako, eta Administrazioarekin harreman elektronikoa izatera behartuta dagoen interesdun baten ordezkariak. Horrela, eskaerak egoitza elektronikoa honetan eskuragarri dagoen berriarazko izapidearen bidez soilik formalizatuko dira: <https://egoitza.araba.eus/eu/-/kirol-egokitua-egiteko-dirulaguntza-deialdia>.

Horretarako, aldez aurretik, erakunde eskatzaileek Arabako Foru Aldundiak onartutako ziurtagiri elektronikoren bat eduki beharko dute. Informazio gehiago: <https://egoitza.araba.eus/eu/egoitza-elektronikoa/ezagutu-egoitza/nola-sartu>. Hori guztia Administrazio Prozedura Erkidearen urriaren 1eko 39/2015 Legean ezarritakoa alde batera utzi gabe.

3. Eskabideak ez badira osorik formalizatzen edo deialdi honetan eskatutako agiriren bat falta bada, erakunde interesdunari hamar egun balioduneko epea emango zaio akatsa zuzentzeko edo aurkeztu ez dituen nahitaezko agiriak aurkezteko. Era berean, jakinarazi egingo zaio, horrela egiten ez badu, eskaeran atzera egin duela ulertuko dela, eta artxibatu egingo da, dagokion ebazpena eman ondoren. Nolanahi ere, Kultura eta Kirol Sailak beharrezkotzat jotzen duen informazio osagarri guztia eskatu ahal izango du aurkeztutako eskabideak behar bezala ulertu eta ebaluatzeko.

4. Kultura eta Kirol Sailak egiaztatuko du erakunde eskatzaileak Ogasunarekiko eta Gizarte Segurantzarekiko betebeharrak egunean dituela, salbu eta erakunde horrek horren aurka egiten badu. Kasu horretan, hori egiaztatzen duen dokumentazioa aurkeztu beharko du, 39/2015 Legearen 28.2 artikulua arautzen duen moduan (Datu Pertsonalak Babesteko eta Eskubide Digitalak Bermatzeko abenduaren 5eko 3/2018 Lege Organikoak aldatua, hamabigarren azken xedapenean).

#### **6. artikulua. Aurkeztu beharreko agiriak**

1. Eskaerarekin batera aurkeztu beharreko dokumentazioa:

a. Trebiñuko enklabeen kokatutako erakunde kasuan: kasuan kasuko autonomia erkidegoko erregistroko inskripzio ziurtagiria.

2. Kultura eta Kirol Sailak egiaztatuko du erakunde eskatzaileak Ogasunarekin eta Gizarte Segurantzarekin betebeharrak egunean izateko baldintzak betetzen dituela, salbu eta erakunde horrek horren aurka egiten badu. Baldin eta erakunde eskatzailea egiaztapen horren aurka badago, egitate horiek egiaztatzen dituen dokumentazioa aurkeztu beharko du, 39/2015 Legearen 28.2 artikulua arautzen duen bezala (Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoak aldatua, azken xedapenetatik hamabigarrenean). Arabako Lurralde Historikotik kanpoko erakunde eskatzaileek Ogasunaren kasuan kasuko ziurtagiria aurkeztu beharko dute.

3. Eskaerak, hala, ez badituzte betetzen adierazitako baldintza horiek, Kultura eta Kirol Sailak erakunde interesdunei hamar egun emango dizkie akatsak zuzendu edo behar diren agiriak aurkezteko. Hala egin ezean, eskaera artxibatu egingo da, eta interesdunak egindako eskaera bertan behera geratuko da.

4. Erakundeek eskaera bakarra egin ahalko dute, deialdi honetako 4. artikuluan xedatutako ezaugarrien arabera.

Jarduera bererako erakunde sustatzaile edo antolatzaileak eta erakunde parte hartzaileak, biek, eskaera aurkezten badute, erakunde antolatzaileak egindakoa baino ez da kontuan hartuko.

#### **7. artikulua. Aurkezteko epea**

Eskabideak aurkezteko epea 10 egun baliodunekoa izango da, deialdi hau ALHAOn argitaratu eta hurrengo egunetik aurrera. Epea azken egun balioduneko 13:00etan amaituko da.

#### **8. artikulua. Prozeduraren instrukzioa eta balioespen irizpideak**

1. Arabako Foru Aldundiko Kultura eta Kirol Saileko Kirol Zerbitzua izango da prozeduraren instrukziorako organo eskuduna.

2. Zenbatekoa zehazteko, puntuak honako puntuazio baremo honen arabera banatuko dira:

DIRUZ LAGUN DAITEZKEEN GASTUEN AURREKONTUA	PUNTUAK
0,01 eta 5.000,00 euro artean	5
5.000,01 eta 10.000,00 euro artean	10
10.000,01 eta 15.000,00 euro artean	15
15.000,01 eta 20.000,00 euro artean	20
20.000,01 eta 25.000,00 euro artean	25
25.000,01 eta 30.000,00 euro artean	30
30.000,00 euro baino gehiago	35

3. Dirulaguntzak banatzeko puntuazioen sistema erabiliko da. Horretarako, 2. artikuluan zehaztutako zenbatekoa erakunde eskatzaile guztiek puntuazio baremoa aplikatuz lortutako puntu guztien baturaren artean zatituko da. Horren emaitza puntuaren balioa izango da. Puntuaren balioa eta erakunde bakoitzaren puntu kopurua biderkatzearen emaitza izango da ateratzen den laguntza.

4. Aurreko apartatuan lortutako kopuruari honako muga hauek ezarriko zaizkio:

– Jardueraren guztizko gastuak ken jardueraren guztizko diru sarrerak eragiketarik ateratzen dena.

– Erakunde eskatzaileak adierazi eta “Eskatutako zenbatekoa” laukitxoan jarritakoa.

– Diruz lagundu daitezkeen gastuak.

– 30.000,00 euroko muga orokorra.

5. Muga horiek aplikatu ondoren, erakunde eskatzaile guztiek jaso beharreko zenbatekoaren batura deialdiaren zenbateko osoa baino txikiagoa bada, bigarren banaketa bat egingo da soberako zenbatekoarekin aurreko apartatuan ezarritako muga ekonomikoetara iritsi ez diren erakundeen artean.

Bigarren banaketa horretarako, soberako kopurua zatituko da aurreko apartatuan ezarritako muga batera ere iritsi ez diren erakundeen puntu kopuruarekin; horrela, puntuari dagokion bigarren balio bat lortuko da. Puntuaren bigarren balio hori biderkatu egingo da erakunde bakoitzari emandako puntu kopuruarekin. Horrela, bigarren banaketa horretan esleitu beharreko diru kopurua lortuko da, eta lehen banaketari gehituko zaio.

Soberakin ekonomikorik badago, aurreko paragrafoan deskribatutako eragiketa errepikatuko da, harik eta deialdiaren gehieneko kopurura iritsi arte, edo erakunde guztiak aurreko apartatuko mugaren batera iritsi arte.

## 9. artikulua. Ebazpena

1. Eskakerak balioespen batzordeak aztertuko ditu. Balioespen batzordearen buru Kirol zuzendaria izango da, eta honako hauek izango dira batzordekideak: Kirol Zerbitzuaren burua eta zerbitzu horri atxikitako teknikari bat. Kultura eta Kiroleko Idazkaritza Teknikoko Zerbitzuaren burua izango da idazkaria, hitzarekin baina botorik gabe.

Aurkeztutako eskaerak deialdian ezarritako irizpideen arabera aztertu ondoren, balioespen batzordeak txostena egingo du, eta ebaluazioaren emaitza zehaztuko du han.

2. Ez da egongo entzunaldiko izapiderik, ebazpena emateko ez baitira aintzat hartuko erakunde onuradunek aurkeztutako gertaerak eta agiriak baino.

3. Organo eskudunak bidezko ebazpena emango du, balioespen batzordeak proposatuta, gehienez ere sei hilabeteko epean, deialdia ALHAOn argitaratzen denetik aurrera. Gehienezko epea igarota esanbidezko ebazpenik ematen ez bada, esan nahiko du eskaera ezetsi egin dela.

4. Dirulaguntza emateko ebazpenak jaso beharko du erakunde eskatzaileetako zeini ematen zaion dirulaguntza eta gainerako eskaeren berriazko ezespina. Ebazpenean adierazi beharko da dirulaguntza zenbatekoa den, nola ordainduko den, zer dokumentazio aurkeztu behar den eta zein baldintzarekin ematen den dirulaguntza.

5. 10. artikuluan ezarritako bi justifikazio-aldietako lehenengo aldia amaitu ondoren, erakunde onuradunek horretarako gaitutako bigarren aldian justifikazio osagarririk ez aurkezteko erabakia erakusten badute, soberakinak bigarren aldian justifikaziorik ez aurkezteko erabakia erakutsi ez duten erakundeen artean banatu ahal izango dira, 8. artikuluan ezarritako prozeduraren arabera. Hasieran emandako dirulaguntzaren aldaketa bat ebatziko da, Balorazio Batzordeak aztertu eta txostena egin ondoren. Horrelakorik gertatuz gero, beste ebazpen bat egingo da erakunde bakoitzari azkenean dagozkion kopuruarekin, eta lehenengoak indarra galduko du. Ebazpen hori emateko, artikulua honetako 1.etik 4.era bitarteko paragrafoetan ezarritakoari jarraituko zaio.

6. Dirulaguntza eman edo ukatzen duen ebazpenaren berri emango zaie erakundeei, Administrazio Publikoen Administrazio Prozedura Erkidearen urriaren 1eko 39/2015 Legeak 42. eta 43. artikuluetan jasotzen dituen moduetan.

7. Ebazpenak administrazio bidea agortzen du. Haren aurka, administrazioarekiko auzi errekurtsua aurkeztu ahal izango da Gasteizko administrazioarekiko auzien epaitegietan, Administrazioarekiko Auzietarako Jurisdikzioa arautzen duen uztailaren 13ko 29/1998 Legeak 8. artikuluan xedatutakoaren arabera; horretarako, bi hilabeteko epea izango da, ebazpena jakinarazten den egunaren biharamunetik aurrera.

Zuzenean aurkatu ezean, berraztertzeko errekurtsua aurkeztu ahal izango zaio, nahi izanez gero, ebazpena eman duen organoari, hilabeteko epean, bat etorriz Administrazio Publikoen Administrazio Prozedura Erkidearen urriaren 1eko 39/2015 Legeak 123. artikuluan xedatutakoarekin.

#### **10. artikulua. Dirulaguntza justifikatzea eta ordaintzea**

1. Dirulaguntza bi epetan ordainduko da. Lehen justifikazio bat aurkeztu ahal izango da 2022ko apirilaren 18ra arte, eta bertan justifikatu ahal izango dira 2021eko urriaren 1etik 2022ko martxoaren 31ra bitartean egindako gastuak.

2. Bigarren justifikazioa 2022ko urriaren 17ra arte egingo da, eta diruz lagundu daitekeen aldi osoan egindako gastuak sartu ahal izango dira bertan.

3. Kasu batean zein bestean, dokumentazioa telematikoki aurkeztu beharko da egoitza elektronikoko "arloan pertsonalean" "nire espedienteak" atalean, deialdiaren berezko esdientean sartuta.

4. Justifikazioa justifikazio-kontu sinplifikatu baten bidez egingo da, Kultura eta Kirol Sailaren dirulaguntzak emateko oinarri orokorrak onartzen dituen azaroaren 12ko 50/2019 Dekretuaren 11. oinarrian eta ondorengo aldaketetan ezarritakoaren arabera. Agiri hauek aurkeztu beharko dira:

a. Dirulaguntza emateko ezarritako baldintzak bete direla justifikatzeko jarduketa-memoria, egindako jarduerak eta lortutako emaitzak adierazita. I. eranskina.

b. Jardueraren gastu eta inbertsio guztien zerrenda sailkatua, honako hauek adierazita: hartzekoduna den pertsona fisikoa edo juridikoa, gastu-agiriaren edo fakturaren zenbakia, zenbatekoa, jaulkipen-data eta, hala badagokio, ordaintze-data. Diruz lagundutako jarduera finantzatu duten beste diru-sarrera eta dirulaguntza batzuen xehetasuna, zenbatekoa eta jatorria adierazita. II. eranskina.

1.000,00 euro (BEZa kanpo) gainditzen dituzten fakturak edo dokumentu baliokideak soilik aurkeztu beharko dira, banaka edo batera, gastu-kontzeptu bererako, eta hirugarren edo hornitzaile berarekin erlazionatuta. Era berean, goian aipatutako fakturak ordaindu izanaren egiaztapiriak aurkeztu beharko dira, 1.000,00 eurotik gorakoak badira (BEZa kanpo).

Gastuak justifikatzeko ez da onartuko honako datu hauek argi eta garbi azaltzen ez dituen fakturarik ez ordainagiritik:

- Jaulkitzailea, haren izena edo sozietatearen izena eta NANA edo IFZ.
- Hartzailea, haren izena edo sozietatearen izena eta NANA edo IFZ.
- Gastuaren xedea.
- Data.
- Fakturaren zenbakia.

Orobat, ez dira onartuko justifikazio gastu gisa zerga araudia betetzen ez duten faktura edo ordainagiriak, PFEZaren (pertsona fisikoen errentaren gaineko zerga) konturako atxikipenei dagokienez.

BEZaren kuota jasanak diruz lagundu daitekeen gastutzat jotzeko, Arabako Foru Aldundiko Ogasun, Finantza eta Aurrekontu Sailaren edo zerga egoitzaren kokalekuko zerga administrazioaren ebazpena aurkeztu beharko da. Ebazpen horretan, onartuta egongo da erakundearen izaera soziala, BEZaren Foru Arauaren 20. Hiru artikuluan aurreikusitakoa, BEZaren Foru Arauaren 20. Bat artikulua 13. apartatuak jasotzen duen zerga salbuespena aplikatzeko.

Fakturak ordaindu direla frogatzeko, agiri hauek onartuko dira:

- Bankuko ziurtagiria; bertan agertuko dira, gutxienez, zenbatekoa, data eta ordainketa-  
ren edo transferentziaren onuraduna. Ziurtagiri hori izenpetuta aurkeztu beharko da, eta/edo  
bankuaren zigilua daukala.
- Fakturaren jaulkitzaileak sinatutako eta/edo zigilatutako ziurtagiria; bertan agertuko dira  
faktura zenbakia, zenbatekoa eta ordainketa data.
- Posta arruntez jasotako banku laburpenak.
- Kontu korronteen libreten kopia konpultsatua, mugimenduak ageri dituenak.
- Posta elektronikoz jasotako banku laburpenak edo transferentzia agindu telematikoak,  
ordainketa edo transferentzia egin duen bankuaren zigiluarekin.
- Erosketa txartelak, zenbatekoa ordaindu dela egiaztatzen dutenak (merkataritza gunee-  
takoak, autobideetakoak, bidaia txartelak eta abar) edo fakturak, enpresa jaulkitzaileak jarritako  
zigiluarekin, ordainduta daudela adieraziz.

Ez da onartuko eskudirutan ordaintzea 2022rako indarreko araudian ezartzen den zenbatekoa edo hortik gorakoa, edo haren kontrabalioa atzerriko dirutan.

Aurreko paragrafoan aipatzen den zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

Jarduera egin ondoren, edozein aldaketa gertatzen bada aurkeztutako eta memoria-liki-  
dazioan jasotako datuetan, eta aldaketa horrek eskaeran aurkeztutakoekiko aldaketa badakar,  
eta datu horiek dirulaguntza kalkulatzeko oinarritzat hartu baziren, berriz kalkulatu da dirula-  
guntza, deialdiaren 8. artikuluan jasotako irizpideekin bat etorritik, eta ezin izango da inolaz ere  
hasieran emandakoa baino handiagoa izan.

c. Erantzukizunpeko adierazpena. III. eranskina.

### **11. artikulua. Dirulaguntzen bateragarritasuna**

Deialdi honetan emandako dirulaguntzak bateragarriak dira estatuko edo nazioarteko beste erakunde publiko edo pribatu batzuek jarduera edo programa berarentzat emandako beste dirulaguntza batzuekin, baldin eta dirulaguntzaren zenbatekoak, berak bakarrik edo beste dirulaguntza batzuekin batera, diruz lagundutako programaren edo programen kostua gainditzen ez badu.

Erakunde onuradunak jakinarazi egingo dio organo adjudikatzaileari helburu bererako beste dirulaguntzarik edo laguntzarik eskuratu duenez edo eskuratzeko eskaerarik egin duenez, estatuko nahiz nazioarteko beste edozein administrazio edo erakunde publikok emanik edo edozein entitate edo erakunde pribatuk emanik. Horien guztien berri izan eta berehala egin beharko da jakinarazpena, eta, nolana ere, jasotako funtsen erabilera justifikatu baino lehen.

### **12. artikulua. Publizitatea**

1. Deialdi hau ALHAOn argitaratuko da.

2. Era berean, Arabako Foru Aldundiaren web orrian jarriko da ikusgai: [www.araba.eus](http://www.araba.eus).

3. Herritarrei diruz lagundutako jardueraren berri emateko erakunde onuradunak egiten dituen liburuxkak, kartelak eta bestelako euskarriak bi hizkuntza ofizialetan argitaratu beharko dira. Gainera, publizitate horretan hizkuntza eta irudiak berdintasunez eta sexismorik gabe erabili beharko dira, eta emakumeen eta gizonen presentzia orekatua eta estereotiporik gabekoa bermatu.



**13. artikulua. Erantzukizunak**

Erakunde onuradunek beren gain hartzen dute deialdi honen xede diren jarduerak egitearen erantzukizuna, bai eta haiek egin ahal izateko indarrean dagoen legediak eskatzen dituen baimenak eskatzea ere.

**14. artikulua. Interpretazioa**

Arabako Foru Aldundiaren Kultura eta Kirol Sailak ebatziko du deialdi honen interpretazioaren inguruan sortzen den edozein zalantza.



Arabako Foru Aldundia  
Diputación Foral de Álava  
www.alava.net

**Kirol egokituko jarduerak.**  
**Memoria. I. Eranskina**  
**2021-2022**  
Actividades de deporte adaptado.  
Memoria. Anexo I

**KIROL EGOKITURAKO DIRULAGUNTZA - 2022**  
AYUDAS A DEPORTE ADAPTADO - 2022

**Eskatzailea / Solicitante:**


Jarduerari Buruzko Datuak / Datos de las Actividades	Zenbatekoa / Importe
a) <b>Izena / Nombre</b>	<b>KIROL EGOKITUKO JARDUERAK</b> ACTIVIDADES DE DEPORTE ADAPTADO
b) <b>Instalazioa / Instalación</b>	
c) <b>Partehartzaile kopurua / Número Participantes</b> (Gizonak/Hombres)	
d) <b>Partehartzaile kopurua / Número Participantes</b> (Emakumeak/Mujeres)	
e) <b>Jardueraren izena / Nombre de la actividad</b>	

**JARDUERAREN DESKRIBAPENA / DESCRIPCIÓN DE LA ACTIVIDAD**

**HELBURUAK BETETZEA / CUMPLIMIENTO DE OBJETIVOS**

Kultura eta Kirol Saila  
Departamento de Cultura y Deporte



 <p>Arabako Foru Aldundia Diputación Foral de Álava</p> <p>www.araba.eus</p>	<p><b>Kirol Egokiturako dirulaguntza III Eranskina.</b></p> <p><b>2022.</b></p> <p>Subvención para Deporte Adaptado Anexo III</p>
	<p>Kultura eta Kirol Saila</p>

<b>ERANTZUKIZUNPEKO ADIERAZPENA</b>	<b>DECLARACIÓN RESPONSABLE</b>
-------------------------------------	--------------------------------

Entitatearen izena:	Nombre de la entidad:

**ADIERAZTEN DU**

*Aurkeztutako datuak egiazkoak dira eta horiek baieztatzeko behar diren egiaztagiri guztiak erraztuko ditu; gainera, eskabidea aztertzeko eskatzen zaion informazio osagarri guztia aurkezteko konpromisoa hartzen du.*

*Espedienteari erantsitako fitxategiak jatorrizkoen irudi fidela dira, jatorrizkoak elkarrearen esku daude eta Arabako Foru Aldundiaren esku jarriko ditu, hala eskatzen zaionean Entitateak EZ du soldatapeko langilerik.*

**DECLARA QUE**

Los datos presentados son ciertos y se compromete a facilitar las comprobaciones necesarias para verificar los mismos y a aportar toda la información complementaria que se le solicite con el fin de analizar su solicitud.

Los ficheros que se incorporan al expediente son imagen fiel de los originales, que éstos obran en su poder y que los pondrá a disposición de la Diputación Foral de Álava cuando así sea requerida

.....  
(Lekua eta data ■ Lugar y fecha)

**Sinadura ■ Firma**

Erantzukizunpeko adierazpen edo komunikazio bati gehitzen zaion edozein datu edo informazio funtsean zehatza ez bada, faltsua bada edo falta bada, edo administrazio eskudunaren aurrean erantzukizunpeko adierazpena aurkezten ez bada, adierazitakoa betetzen dela egiaztatzeko eskatzen den dokumentazioa aurkezten ez bada, edo jakinarazpena egiten bada, ukitutako eskubidea edo jarduera gauzatzen jarraitu ezin izango da gertaera horien berri jakiten den unetik. Sor litezkeen erantzukizun penal, zibil edo administratiboak (Administrazio Publikoen Administrazio Prozedura Erkidearen urriaren 1eko 39/2015 Legearen 69.4 artikulua).

**Entitatearen zigilua ■ Sello de la entidad**

La inexactitud, falsedad u omisión, de carácter esencial, de cualquier dato o información que se incorpore a una declaración responsable o a una comunicación, o la no presentación ante la Administración competente de la declaración responsable, la documentación que sea en su caso requerida para acreditar el cumplimiento de lo declarado, o la comunicación, determinará la imposibilidad de continuar con el ejercicio del derecho o actividad afectada desde el momento en que se tenga constancia de tales hechos, sin perjuicio de las responsabilidades penales, civiles o administrativas a que hubiera lugar (Artículo 69.4 de la Ley 39/2015, de 1 de octubre, del Procedimiento Administrativo Común de las Administraciones Públicas)

Orria ■ Hoja 1/1